

سنين هواكى...!!

سنين هواكى متتعديش
هي السعاده بتتاسب
قلبي طول عمره ما حسش
وياكى بلحظه تعب
ازاي يفكر في أيامه
وهو بقلبك أتوهب
نسائي الدنيا الجارحه
محا .. مني كل الغضب
وفرحه بتولد فرحه
في عيون القلب سارحه
في اول لحظه أصحى
يقابلني قدري اللي أنكتب

آلاقي قوتي... حبات عنب
تلمسني بإحساس من ذهب
واتمسي بهمسه تقول لي أنسى
تقابلك لحظه.. فيها لمسه تعب
وإحساسك دافي.. يهزني متعافي
يقول لي لسه.. ما خلصش العنب

وبسمه على حدود... ويا قلب ودود
وقمر ممدود... نوره في عيني
وقلبي موعود .. بحنان بيعود
ما لوش حدود.. يسقيني يرويني
وقلبيك يجود.. ببسمه عود
شايلى ورود .. عبيرها يناديني
ترسم ضحكاه .. وعبير في السكه

ما فكرتش في بكره.. حتى يجيني

ما ليش أماني ما أنتي واخداني

في جنه ورديه فيها تحييني

واللي وياه حوريه فوق جدول ميه

ميته حنيه .. وعيشته هنيه

وقلب ما يكذب!..!

ممکن يحسب..؟

قلبي مالكة كل ما فيه

احساسك بلمسه يصحيه

وجودك فيه بيدفيه

ومن نبع حنانك يشرب

ليه .. أحسب..؟؟

ليل بيسلم نهار... ونهار بيسلم ليل

ليل السعاده فنار ... منار لكل سبيل

للسعاده في النهار اسرار

تمحى الالم والويل

ويوم ورا يوم بيعدى

آلاقي عمري منى بيهرب

ازاي احسب..؟؟

وعمري كله وياك يوم

سعاده في ساعاته بتدوم

اجهل زمنى ما يبقاش معلوم

والنسيان ع العمر بيغلب

ازاي احسب..؟؟

سنين هواكى...!!